

B

316

B87

BRUNO

Class

Book

University of Chicago Library

BERLIN COLLECTION

GIVEN BY

MARTIN A. RYERSON

H. H. KOHLSAAT

BYRON L. SMITH

CHAS. L. HUTCHINSON

C. R. CRANE

H. A. RUST

CYRUS H. MCCORMICK

A. A. SPRAGUE

C. J. SINGER

Socrates
Bruno DE
LENOCINIO
SOCRATICO
ORATIO,

*Habita in inclutâ Universitate Noricâ
die 19. Augusti,*

Æ

M. JACOBO BRUNONE
MEGAPOLITANO,

Cum decreto & autoritate SUPERIORUM
Ethicæ & Græcæ linguæ Professionem Publi-
cam auspicatorus esset,

Marsilius Ficinus in Protag. Platonis.

Socrates à Diotimâ fatidicâ artem amatoriam didicit, per
quam sciebat per corporum pulchritudinem, quasi per
vestigia quædam sagaoiter venari, tum animi, tum
mentis angelicæ, Deiq; pulchritudinem, eandemq; ar-
tem ubiq; docebat.

ALTDORPHI,

Æ Typographia Balthasaris Scherffij,
Universitatis Typographi.

ANNO M. DC. XXVIII.

Y7203 3HT
TO 1700
APRIL 06 1960

B 316

B 87

LENOCINIO SOCRATICO.

Qui in publico hoc, & ad dicendum amplissimo loco, inq; splendido isto, Clarissimorum & Excellentissimorum Viro-
rum, Nobilissimorum item & Ornatissimorum juvenum cœtu & frequentia verba facturi sunt, cō instituti sui rationes omnes referre debere intelligo, ut animos sibi Auditorum favore, consensu & benevolentia faciant conjunctissimos. Cujus sui voti, vel spei fructum tum maximè consequuntur, quando argumento, loco, tempori, & ipsis personis convenienti, rerum quoq; varietatem, verborum elegantiam, dicendiq; copiam & dignitatem adjungunt. Quam quidem, siue dignitatem, siue copiam, tantum abest, ut mea sperare vel polliceri auit tenuitas, & dicendi inopia, ut valde sibi metuat, ne quis Theocritœum illud occinat:
*Quis pilos exiguos pro lana? An pica cum lusciniis cantare,
Vulcanusve auit thalamos sperare Minerva?*

Tametsi enim Nobilissimorum & Amplissimorum SCHOLARCHARUM, DOMINORUM meorum colendissimorum autoritas, vestra quoq; , A. omnium ordinum honoratissimi, humanitas & benevolentia optima quæq; sperare me jubeant; sunt tamen plurima, quæ animum in metum dare, & orationis cursum, si quis sit, in primo hoc publicæ functionis meæ aditu (quem Deus fortunatissimum esse jubeat!) impedire & sufflaminare possunt. Et quidem, ut alia omnia nunc
A 2 taceam,

accidit, novistis ipsi, quod illo in loco verba mihi faci-
enda sunt, ex quo antehac cum vestra omnium ap-
probatione & laude multiplici, præclara, æqua, nu-
merosa, delinifica, & à Tullianâ puritate minimè alie-
na audita est oratio, illius Viri, cujus memoria quidem
in benedictione, sui tamen desiderium in omnium no-
strum animis frequens & subinde novum; Mihi impri-
mis, qui à paternâ ipsius manu magisterii insignia, &
alia insuper beneficia accepi plurima, quorum memo-
riam, ingratus sim, nisi post funera beatissimi illius Se-
nis sanctam reservavero. Jam verò cum nullû habeam,
quod ad aram & cineres istos feram hostimentum, lau-
des quoq; Viri infantissimæ linguæ audaciâ & culpâ de-
rerere nolo: Memini enim me legere apud Gellium: *Turpius esse frigide laudare, quàm infectanter vituperare*. Eat
ergo ad posteros, & futuram (si qua speranda amplius)
virtutis memoriam, vestra, vel suâ ipsius etiam com-
mendatione & laude clarissimus, & de plurimis meri-
tissimus Senex: Imò mundanâ ille inquietudine exem-
ptus, & cœlesti beatorum Seniorum choro ascriptus æ-
terno jam gaudio & felicitate fruatur! Ego interea pri-
scæ fidei, eruditæ & Christianæ pietatis & virtutis ple-
num, omnibusq; ad benevolentiam & amorem quon-
dam patens pectus, sancto & memori silentio æternum
maestabo & ad argumentum aliquod, à munere meo,
& humanitate vestra non alienum, si permissum elige-
re, animum adjungam. Quamvis, ut verum fatear, no-
va hîc ingenio meo se ostendat inopia. Etenim Audd.
quid de utilitate & præstantiâ philosophiæ moralis?
quid de necessitate & suavitate Græcæ linguæ dici pos-
set, quod non prius dixerit, antea laudatus, & mihi no-
minatissimus Dn. M. GEORGIUS QUECCIUS

ὁ ἐν τοῖς
αἰγίοις;

ajius; Prostant diviniore illius ingenii monumenta de
summo bono, de triplici utilitate Ethicæ, de differen-
tiis viri boni & mali, & multa Græcæ linguæ encomia
& documenta, cui purpuræ, imprudens sum, ut mitissi-
mè dicam, si meos nunc assuam pannos; vel potius si
in istâ copiâ meam prodam ingenii inopiam. At enim-
verò si vel maximè hoc nunc facio, veniam tamen à
vobis A. me facilius impetraturum spero, quàm Andrii
à Themistocle, de quibus audite, si placet, Herodotum.
Venerat ille magnus Atheniensium princeps, contraq;
Xerxem gloriosissimus triumphator; Et, quod solent
truculentissimi Martis filii, ab insularis hisce in transi-
tu pecuniæ summam aliquam - magnam poscebat; quâ
negatâ, cum vehementi quadam animi commotione
sic dixisse fertur: Duo, quæ mecum habeo, Athenien-
sium numina potentissima, SUADELA nempe & NE-
CESSITAS, hanc mihi à vobis extorquebunt pecuniam.
Quid ad hoc Andrii? Nos, inquiunt, ad maximam soli
tenuitatem redacti, duo quoq; Atheniensium longè va-
lentiora habemus numina, INOPIAM nempe & IMPOS-
SIBILITATEM, quibus perpetuò obnoxii, pecuniam
nullam damus, quicquid tua persuadeat Peirho, vel ur-
geat necessitas. Sed bene habet mea ingenii paupertas,
cui nullus ante portam Themistocles, & quod Deo ac-
ceptum referimus, nostri adhuc sine Hannibale muri.
Ego quoq; istis adhuc servio numinibus, quæ deficien-
te thure, falsâ molâ litantem placido vultu respiciunt;
quæq; humanitatis & benevolentiae suæ copiâ, meam
ita dicant inopiam, ut, cum domi de Sabæis messibus
nihil spiret, vel falcem in alienam mittere, vel ex vete-
rum doctorum myrotheciis aliquid depromere, & in
medium afferre liberalissimè concedant. Quo fretus

permissu five indultu de LENOCINIO SOCRATICO, sicu-
ti apud Xenophontem, Platonem, aliosq; viros doctos
descriptum legimus, dicere, vel potius balbutire con-
stitui. Quod dum ago, vestram in audiendo benevo-
lentiam A. etiam atq; etiam exoro.

Mercem bonam facile emptorem invenire; & vino
vendibili non opus esse suspensâ hederâ, tralatitium ex
antiquitate, & hoc quoq; seculo approbatum videtur
esse proverbium. Credat, qui volet: Ego vix animum
induci patiar, ut credam vel approbem. Cujus quidem
pertinacię meæ causas, si afferre deberē plures, omnes
mercatores & propōlas, omnes *ὄνομαστοι*, cum opificibus
omnibus testimonium mihi perhibituros, nullus dubi-
to. Sed forē nihil nunc attinet in iudicium istorum, pa-
rum competentium, sententiam compromittere, cum
ipsa, in cujus foro nunc versamur, causam pro se dicat
VIRTUS. Quæ merx, quæ gemmæ, quis thesaurus, quod
bonum, inter omnia, quæ mortalis possidere potest fe-
licitas, ipsâ virtute melius est? Quanta quanta illa, tota
pulchra, tota decora, felix, augusta, divina! Fingite vo-
bis, A. virginem, cujus pectus formavit Justitia, men-
tem solidavit pietas, intellectum præparavit sapientia,
oculos illustravit prudentia, aures latebravit veritas,
linguam variavit comitas, faciem coloravit candor,
mores ornavit humanitas, vultum figuravit verecun-
dia, manus ditavit liberalitas, brachia roboravit forti-
tudo, pedes complanavit facilitas, verticem coronavit
felicitas, aut ego valde fallor, aut illa ipsa erit, de quâ
jam dixi, VIRTUS, beatissima & divinitus homini con-
cessa possessio, quam qui amat, uno fasce omnes in vi-
tâ felicitates dotis loco possidet.

Ut ut verò pulchritudine, ut ut etiam divinitate &
felicitate

felicitate se commender, raros tamen illa, ut ita dicam
emptores, raros amatores & procos invenit. Olerrorem
maximè mirandum vel potius deplorandum. Quod
inter mortales, quæso, impudicitiae prostibulum,
dummodò vultus decoro, vel etiam fuce blandiatur,
quod non ad abjectissima ministeria paratos procos
inveniat & rivales, qui ornamenta capillorum, radios
oculorum, susurros aurium, delicias digitorum, & alia,
quæ pudor loqui prohibet, tenerrimè & avidissimè ca-
pient, licet vel nihil, vel cum Ixione nubem pro Junone
capiant κοροίσμοι; Multi enim frustra Corinthum eunt
ad Laidem. Quid? quòd experienciâ compro-
batum sit, hodièq; per eandem probetur, annis decre-
pidam, oculis lippientem, naribus stillantem, & rugo-
sâ cute deformem anum, Veneri votum facientem, do-
mi non rarò invenire, qui dicat: *Tu mihi sola places*. Neq;
græcus homo arcessendus, cui suum suggerat χαῖρε φίλον
φῶς. Addo, A. cæcos, si vel naturâ tales fuerint, decus
puellare habere perspectissimum, aliàs Homerus nun-
quam commendare potuisset -- ἐλκώπιδα κέρην, hoc est:

Qua nigris oculis, facieq; decora puella est.

Rem miram, omniumq; stupore dignissimam, cæcum
videre potuisse in scortillo, quod in virtute animadver-
tere non possunt oculatissimi! Quid cogitatis, A? nimi-
rum illud, quòd cogitando assequi non potuit Maro,

Cæcus amor quò nam mortalia pectora cogat:

Eò nempe, quò nunquam posset virtus omni suo orna-
tu. Memorabile est, quod de Insulanis in Belgio civibus
memorat Cl. Piccartus in ridiculis. Urbis illius incolæ
circiter annum Christi 1468. Carolo Burgundo, prin-
cipi & triumphatori, inter alia spectacula, honori ejus-
dem preparata, certamen illud, quod olim in Idâ Phry-

giæ mon-

giæ monte, iudice Paride, sicuti est in fabulis, inter majorum gentium DEAS Junonem, Palladem & Venerem peractum, quasi postliminiò revocarunt, & ita repræsentarunt, ut quemadmodum ibi pulchritudo, ita hîc deformitas in contentionem veniret, Carolo spectatore & arbitro. Prodigabat primùm toto corpore nuda, sed pulcherrimè coronata anus, quæ Veneris titulum præ se ferebat, procerâ quidem staturâ, corpore verò adeò obeso, ut nusquam quæquam in sexu illo visa fuerit, crassior. Veneris hujus latus claudebat Juno, pari quidem staturâ, sed strigosa valdè, totaq; pellis & ossa. Denuo duabus hisce Pallas adjuncta fuit, staturâ brevissimâ & nana, gibbosa etiam illa, & omnibus corporis deformitatibus insignis. Et hæc ipsa disparium, anicularum deformitas majori oblectamento principi fuisse putatur, quàm si Plato, voti sui compos, virtutè, omni ornatu insignem, oculis ejusdem conspicuam introduxisset. Quæ quidem non ideo commemoro A. ut risum captem in ludicris, sed ut attentionem & condolentiam impetrem in seriis, Virtus enim, favete verbo! hîc agitur; non infelix illa vitiorum vanitas, quæ primùm quidem excipit ridentes, sed plorantes & ejulantes dimittit. Etenim — — — *ultima meta.*

Præcipitat captos, volvitq; per ardua saxa,
Ut Ajacem, ut Paridem, ut Helenam, - *qua Troja patriaq;*
fuit communis Erinns. Rectè communem vocat poëta:
Neq; enim angustis limitibus circumscripta sunt vitiorum damna. Hei quam multi cæco illorum amore ebrii, & infano mentis errore, tanquam tartareo thyrsos perciti, per præsentissima corporis & animi discrimina, per cædes, per damna publica, per patriæ prodiciones, per regnorum & urbium devastaciones grassantur, quorum

rum poenitere non lacrymis, sed patrię cineribus sopiri
& elui solet. Et tamę tam turpibus, tam noxiis erroribus
hallucinari & in sanire nondum desinunt pleriq; mortu-
lium, adeo ut facile veniam mereri possit ille, qui eam.
veteris adagii sententiam, de quā supra, ita mutandam
putaverit: Merx vendibilis fucus est; rāros integritas
habet emptores; & ipsi virtuti opus est suspensā hede-
rā. Quod quidem prisco quoq; ævo probē intellexisse
mihi videntur illi, qui ad præparandos hominum ani-
mos, & emendanda eorum studia, non secus ac Hercu-
les quispiam, non quidem ad Augiæ, sed ad totius mun-
di stabulum purgandum processerunt: Quales primi
omnium fuerunt Poëtæ, qui fabulas; hos secuti philo-
sophi, qui Syllogismos, & Oratores qui enthymemata
omnia VIRTUTI, tanquam peplum aliquod suę Miner-
vę consecrarunt, & illam quasi suspenderunt hede-
ram. Quos omnes si in scenam & auditorium hoc pro-
ducerem, non uno in anno, ne dicam mense vel
die, suam absolverent histrioniam. Rideret hic Demo-
critus, ibi fleret Heraclitus, alibi dolium moveret Dio-
genes, numeros supputaret Euclides, atomos & vanita-
tes conflaret Epicurus, colores distingueret Aristippus,
frontem rugaret Zenō, ad divinitatem duceret Plato,
ad civilitatem hortaretur Cicero, silentium captaret
Pythagoras, patientiam profiteretur Anaxagoras, na-
turam scrutaretur Aristoteles, tonaret Æschines, ful-
guraret Pericles, Enthymemata vibraret Demosthe-
nes, idq; omnes tantā cum contentione, ut ne ipse de-
turbatis circulis querulus audiri posset Archimedes.
Quoniam verò præstat, ut statuta hæc nostra sit actio,
unus omnium nomine viam doceat & muniat virtuti,
ut illa quoq; suos habeat amatores & rivales. Neq; enim

omnes pari successu & felicitate in his operæ precium fecisse constat. Quidam priscos Gallos imitari, qui, ut est apud Strabonem, districto ferro silentium imperarunt; sic illi virtutem. Rigidi sanè morum censores, & Thracio isti homini non absimiles, de quo Gellius, vel potius Herodes Atticus, qui ibidem loci contra ἀπαίαν Stoicorum (de quibus meloqui intelligitis) nervosè disputat. Viderat ille homo, colendi ruris ignarus, vicinum rubos latè atq; altè obortos excidentem, fraxinos ad summum propè verticem deputantem, soboles vitium, è radicibus caudicum super terram fusas evellentem, stolones in pomis aut oleis proceros atq; decerptos amputantem, eum in finem, ut mundus purusq; fieret ager, arbor verò & vitis foecundior. Infelix ille, falsâ imitatione doctus audaciam peccandi, arreptâ falce & securi, vites suas sibi omnes & oleas detruncar, comasq; arborum lætissimas, uberrimosq; vitium palmites decidit, & fruteta atq; virgulta simul omnia, pomis frugibusq; gignendis felicia cum sentibus & rubis, purificandi agri gratiâ, convellit. Dignus certè cui Alexander suum transcripsisset symbolum : Κήπων μισῶ, τὸν ἐκ ριζῶν ἐκτέμνοντα τὰ λάχανα: odi hortulanum, qui radicibus cum stirpe evellit furculos. Alii à rigore isto alienissimi, ne vis fieret novellis, & ad virtutem edecumaris ingeniis, leni manu illa flectere, mulcere, multa interdum indulgere, blandiri, & verborum dulcedine, fabularum lepore, similium amœnitate, tanquam nectare quodam, virtutis amariciem, ut apparet, colere; more illorum, qui - *Pueris absinthia tetra medentes*

Cum dare conantur, prius oras pocula circum

Contingunt mellis dulci, flavoq; liquore;

Ut puerorum atas inprovida ludificetur

Labrorum tenuis, interea perpotet amarum.

Ab.

Absinthi laticem, deceptaq; non capiat,ur,

Sed potius tali factō recreamur valeſcat.

Quos inter ſi uſquam mortalium, certè Socrates, ſapi-
entiſſimus ille, ipſius quidem oraculi teſtimonio, vir-
tutis Doctor, familiam ducit, peculiari quadam imbu-
tus arte, quàm cælitus ſe accepiſſe, ſuo jure gloriatur.
Quam quidem artem, ut ille vocat, obſetricitiam, cum
miro geſtuum & verborum illicio exerceret, & ut Circe
aliqua efficaciſſimo linguæ veneficio, cum faſcini cu-
juſdam ſuſpicionē, non vocem, ſed mentem ipſam eri-
peret, lacrymas excuteret, comiterq; ad virtutem a-
mandam duceret pertinaciſſimos honeſtatis hoſtes, ut
totos mutatos ſe prius, quàm moleſtiâ affectos cogno-
verint, modo Silenus, modo εἰρων, modò communis ge-
neris humani LENO dictis eſt. Quæ quidem appellatio,
nequaquam in fraudem & ignominiam Viro integer-
rimo afficta videri debet: Neq; enim Socrates ſtupri
cōciliator aut arbiter, vel, ut Græci vocant, πορνευτικός,
ſed virtutis & honeſtatis LENO putandus eſt, citra voca-
buli hujus abuſum. Præterquam enim, quod conſuetu-
do hodieq; hoc ferat, ut optimis nominibus rem peſſi-
mam, & contra peſſimo nomine rem optimam effera-
mus; ipſos quoq; Legatos, quos hodie, voce, ni fallor,
Italâ, Ambaſſadores appellant, olim lenones dictos eſ-
ſe, ex Juſtino probant docti. Quemadmodum igitur
nihil ſancti inde ſibi vendicare debet meretrix vel cy-
nædus, licet à ſanctitate in ipſâ linguâ ſanctâ nomen
habeant; Ita Socraticæ integritati nihil derogatur, ſive
lenonem illum, ſive etiam hypocritam dicas: Honeſta
enim hypocrifiſis ipſi quoq; Demoſtheni in ſuâ arte u-
tramq; fecit paginam. Quod tamen ita accipi noli-
mus, ac ſi unicuiq; verſipelli æquivocationis architecto &

supplantatori; vel versuto & ad malitiosas artes, quas politicas hodiè vocant, erudito Machiavelli filio, in Socrate patrocinium paratum putem. Si quis verò ingenii errore hoc fieri existimat, illi ego in aurem: Et olim hodieq; novisse homines, aliter cervos olere, aliter verò hircos. Quæ si non capiat, ut sapiat nigræ etæ majus socius, vel callidus alius Ulysses, obviam fortè habebit Ajacem vel Achillem, qui hæc ingerat:

Non sum suendas natus ad fallacias

Technasq; talis nec mihi fuit parens:

Ego poti⁹ - Odi illum haud minus, atq; horrendi limen averni,

Quicumq; ore aliud, tacitoq; aliud sub corde recondit.

Vel Venusinus illè intento digito sic notabit:

Hic niger est, hunc tu Germane caveto.

Candidus noster Socrates vulpem prodit in verbis; nigri illi abscondunt in pectore: Blanditur noster, ut edificet & juvet; Illi ut destruant & pessundent incautos. Vix ergò cælum & tellus, lux & tenebre, virtus & vitium tanto discrimine distant, quàm distant lenocinium Socratis, à diabolicis seculi blandimentis, fæda bonorum morum scabie, priscæq; fidei peste. Dissimulavit noster, sed honestatem & virtutem nunquam deseruit, instar navarchæ, qui, licet vela obliquare cogatur cursum tamen retinet, & metâ observat accuratissimè; Ita Socrates in periculoso perditissimæ Atheniensis Reip. navigio, multos virtutis adoravit scopulos, non quod sibi temeret, sed ut suæ Dominæ, quam intimè amabat, rectè prospiceret. Quanti verò illam fecerit, vel inde constat, quod pedibus discalceatis, mente verò & corde obfirmato per Xanthippæ rixas, per Aristophanicas nebulas, per Meliti aliorumve calumnias, per judicum iniquissimorum injurias, per ipsas deniq; mortis violentæ minas intrepidè cundo, ne quidem in ipso

agone ab hac suâ Cynosurâ oculos averterit, licet aliâs gestibus & verbis in alia omnia ivisse, & fœdissimorum quorumq; vitiorum patronus factus fuisse creditus sit: Quod ex sermocinatione cum Theodorâ apud Xenophontem, & cum Alcibiade apud Platonem institutâ legenti palam erit. Cui quidem sermocinationi prorsus gemina videtur esse illa, quam teste Cicerone, Aspasia cum Xenophonte & uxore ejus instituit. Cujus narratio cum jucunda sit, modumq; lenocinandi Socraticû evidenter ostendat, eam huc asferre erit operæ. Ita verò Aspasia primum ad Xenophontis uxorem dirigite sermonem: Dic mihi, inquit, cara fœmina, si vicina tuâ melius habeat aurum, quam tu habes, utrum illius, an tuum malis? Illius inquit. Quod si vestem & cæterum ornatum muliebrem precii majoris habeat, quàm tu habes, tuumne an illi⁹ malis? Illius verò respondit. Age, inquit, si virum illa meliorem habeat, quam tu habes, utrumne tuum, an illius malis? Hic mulier, interrogationum Socraticarum laqueis quasi constricta & capta, erubuit, & tacuit. Aspasia porrò ipsum quoq; Xenophontem allocuta est: Quæso, inquit, Xenophon, si vicinus tuus meliorem equum habeat, quam tu habes; tuumne equum malis an illius? Illius, inquit. Quod si fundum meliorem habeat, quàm tu habes; utrum tandem habere malis? Illum, inquit, meliorem scilicet. Quod si uxorem meliorem, quàm tu habes, utrum illius malis? Xenophon non immemor, nequaquam ita extendendos uxorii agelli terminos, sed officii maritalis usum intra conjugis charitatem claudendum, ipse quoq; tacuit. Agite verò A. nunc ipsum videbimus festivitatis omnis & leporis magistrum Socratem, non in Lycéo solum & conviviiis, sed in foro etiam, in the-

atris, in compicis, & porticibus virtuti suæ lenocinantem. Publicus erat locus in quo Glaucónem Aristónis filium offendeat superbientem. Juvenis erat, uti Xenophon commemorat, nondum viginti annos natus, quando Magistratus usurpare munus, & Reipub. præses esse cuperet. Propinquos & amicos habebat plurimos, sed horum nemo ab instituto eum revocare, & ad modestiam perducere potuit, excepto solo Socrate. Adit ille adolescentem, & hisce verbis blandè compellavit. Præesse Reipub. cogitas, mi Glauco? Annuente eo, Socrates propositum laudare, & commendare conatum. Si quid aliud, inquit, humanis in rebus, hoc certe præclarum est: Perspicuum est enim, futurum, ut si hoc impetres, & ipse consequi possis ea, quæ concupiveris, & amicis usui esse, & familiam paternam extollere, & amplificare patriam: Nominis insuper celebritatem, primùm in hac urbe, deinde in Græcia, & fortassis etiã, uri Themistocles, apud barbaros consequeris. Breviter, ubicunq; gentium & locorum fueris, nusquam non eris illustris. Magnificam verò vocem, & ad inflandum per se tumidum adolescentulum accommodatissimam! Quem non spiritum concepisse putatis ambiciosulum? Talem fortè, cui si Dii corpus ipsum æquassent, cœlo capi non potuisset. Erat enim ingenium Alcibiadi prorsus germanum, vel Alexandro ambizioso Philippi adolescentulo, cui salem affricat Satyricus:

*Unus Pelléo juveni non sufficit orbis,
Æstuat in felix angusto limite mundi,
Ut Gyara clausus scopulis, parvâq; Seripho.*

Verùm quod bullis evenit, quæ cum maximè tument, levissimo vento vel aurâ tactæ subsidunt: Ita Glauco Socraticæ moderationis spiritu afflatus, ad inculpatam mode-

modestiae terminos pervenit, & vanus ille ambitionis tumor planè resedit. Quæ situs enim, & humaniter examinatus, modestè agnoscit, se nec pacis nec belli artes, quas novisse publici moderatoris intererat, didicisse; adeoq; imparem se esse, cui oneraria committatur, cū in celò celsatis sibi adhuc negotiis. Vel quod Socrates ei suggerebat: Qui talentum unum gestare nequit, illi neq; conandum, ut plura gestet. Hæc monitus juvenis, cautiùs in posterum mercari, & cohibere didicit spiritum. declinato quoq; superbiæ scopulo, in sapientiæ portum delatus est, ubi more majorum votivam Nepruno suspendit tabulam cum hac epigraphe:

Nemo volet pelago posthac se credere, cymbam.

Sirudis in parvo flectere nautalacu.

In eodem navigio, licet non in eadem navi, periclitabatur Euthydemus ἀντιδιδανί, & ut sibi videbatur πίνος, hujus quoq; misertus Socrates, post aliquam ingenii periclitacionem eò perduxit, ut se quidquam scire prorsus negaret, quando se ipsum nosse nondum didicisset. ô Salutaris, ô Divinâ, & omni voto major Sapientia suam non ignorare ignorantiam! Revera

— ἐκ τοῦ οὐρανοῦ κατέβητο πῶς ἴσταιν,

Figendum, & memori tractandum pectore,

Ut canit Poëta. Quamdiu enim falsæ suæ sapientiæ fiducia desipiunt homines, ad veram Sapientiam nunquam perveniunt. Complicarem oratiunculæ meæ vela, nisi in restituendo Aristodemo nobis quoq; suam deberet industriam Socrates. Per ambages ille, ut solet, & flexuosos interrogationum cuniculos procedit; Quæ via netædio sit, lubet facere compendiariam, per vestram, uti spero, attentionis & benevolentie copiam. Aristodemus ille ἀγέτος erat, & à Deorum cultu alienissimum

simum habebat animum; non quidem, ut ego existimo, propriâ suâ culpâ, sed vecordi eorum errore, qui primi apud Athenienses, illos sacrificiis coli præceperant Deos, quos non dormire solum, sed & scortari, furari, vulnera pati, & infligere, aliaq; nefanda facinora committere, auditione perceperat. Horû, inquam, culpâ, omnem ille Deorum immortalium reverentiam non ex ore solum, sed ex corde suo penitus ejecerat; permotus haud dubiè Euripidéo illo: *οἱ θεοὶ εἰ ὀρώσιν φάυνλον, οὐκ εἰσὶ θεοί.* Quid ad hæc Socrates? Videbat ille morbi periculum & damnum non isti duntaxat homini, sed toti Reipub. exitiale futurum. Ablato enim Palladio, hoc est, ut non nemo interpretatur, excusso ex hominum cordibus & animis Deorum metu & reverentiâ, facile hosti præda fieri potest Ilium, vel alia, licet munitissima, civitas, & potentissimum regnum. Ut itaq; Aristodemum, & alios in eodem valetudinario decumbentes, vel potius, ut fieri solet, inter sanos liberè ambulantes, à periculosissimo isthoc morbo liberaret, & mentem sanitati restitueret, omnem Doctor ille movit lapidem. Adit, salutat, humanissimâ compellatione interrogat: Optime Aristodème, an unquam, inquit, cogitatio vel admiratio subite eorum artificum, qui in arte suâ præcipuè claruerunt? Quidni, respondet ille; Ego Homerum in pangendis carminibus admiratus sum maximè; In dithyrambo Menalippidem; In Tragœdiâ Sophoclem; In statuariâ polycletum; In pictura Zeuxin: Et propter artis & ingenii monimenta, quæ extant, illos veneror. Hos tu non admiratione solum, sed veneratione dignos judicas, subjecit Socrates, qui qui statuas fingunt, & pingunt imagines, res fortuitas, vel, ut verius dicam, vix rerum umbras & simulachra,

men-

mentis & morû expertia, quid deberi putas illi opifici, qui temetipsum non statuam, ut Polycletus, neq; simulachrum aliquod, ut Zeuxis, sed vivum hominem finxit & formavit? Nullum, crede mihi, vel ipse vide, in mortali illo immortalis animi tui hospicio membrum etiam minutissimum, quod non longè majorem perfectionem habeat, quàm omnes Polycleti statuæ, vel Zeuxis imagines. Relictis ergò simulachris vel nugis istis, in te, tanquam in rem præsentem descende, & primum colorum arbitros mirare oculos, palpebris, tanquam foribus, munitos, & superciliis, tanquam suggrundiis quibusdã rectos, ne sudor de capite manans eos lædat. Aures mirare, vocum iudices, quas uno tempore excipiunt plurimas, nunquam tamen ita replentur, ut plures non admittant. Dentes mirare, fidos oris satellites, quorum anteriores ad secandum, molares ad comminuendum cibum factos esse cognoscis. Os ipsum mirare, firmatam victus & verborum januam, quam miro quodam consilio oculis & naribus supposuit Numen supremum, ut cibus & potus antequam gutturi committerentur, oculorum & narium iudicium subirent: Excrementorum autem tubulos longè ab his avertit, ut id, quòd oculis vel naribus ingratum, longissimè averheretur. Deniq; totam corporis tui mirare molem: Multum ubiq; humorum, multum etiam terre, horum tamen plus non habet corpus tuum, quàm quod primitus ad humanam fabricam ordinavit sapientissimus rerum opifex & arbiter. Nihil nunc de sobolis procreandæ cupiditate; nihil de alendi eandem cura, matribus inprimis insita; nihil de bonæ conscientiæ gaudio; nihil de vitæ desiderio; de mortis & pœnarum metu. Quæ omnia cum non fortuito existisse, sed certo consilio,

C

& admi-

& admirando modo facta esse intelligis. Numen aliquod vel Deum, horum omnium authorem existere non negabis. Crederem, inquis, si alicubi appareret illud Numen. Nihil agis, Aristodeme; Animus tuus cui nam apparet? Ne tibi quidem ipsi; cuius tamen operationes & imperium in corpus evidentissimè sentis. Si ad nutum mentis tuæ totum movetur corpus; utiq; ad nutum altissimi Numinis hoc movetur Universum. Si oculus tuus ad multa stadia pertingere potest, quidni DEI oculus longè clarissimus simul intueretur omnia? Si animus tuus de rebus quæ hîc accidunt, tum de illis, quæ in locis remotissimis fiunt, cogitat, quidni DEI sapientia omnia simul complecti & curam eorum habere posset? Quare ô imprudentem te, Aristodeme, si ideo DEOS esse dubitas, quod in aprium non prodeant, ut formas eorum videas: opera illorum intueri, & ipsi se tibi ostendent in laudem & gloriam, quæ eis debetur, perpetuò; Et ita se ostendent, ut ubiq; eos præsentis oculo inconnivo humanas actiones intueri, & motus cogitationesq; mortalium, antequam moveant, vel cogitent cognitæ & perspectas habere, intelligas. ô efficacissimam, & vel Christiano homine dignam vocem! ô salutare sapientis linguæ veneficium & nequitiam, quâ qui decipit justior eo, qui non decipit; & qui decipitur, sapientior eo, qui nunquam decipitur, quod de Tragœdiis olim dicebat Gorgias Leontinus. Nimirum eò Aristodemum aliaq; impietatis & vitiormancipia perduxit, ut non modo, cum ab hominibus conspicerentur, à turpibus & iniquis actionib⁹ abstinerent, sed quoties in solitudine sibi agendum, nihil eorum, quæ agerent, Diis occultum esse, & ita in quovis angulo Numinis omniscii rationem & reverentiam habendam.

bendam existimarent. ô Aristodeme ! Tu quantum
mutatus ab illo, cujus

Ante quidem dubiam traxit sententia mentem,

Curarent superi terras, an nullus inesset

Rektor, & incerto fluerent mortalia casu.

En tua nunc alio mens informata magistro

Sana est, & metuunt sanctum praeordia numen !

Numen verò sanctum Socratem cognovisse & docuisse, dicat Christianus, (neq; enim quid dici hîc possit, ignoro) tibi quidem nunquam concedo. Cognoverit alius ; Socrati sanè homini non cælo nato, sed, quod ipse de se prædicabat, MUNDANO, nunquam forrè in animum venire potuit illud Nazianzeni : *Θυμὲ βλέψον ἄνω*, quippe qui perpetuo in ore habuit illud : *ἐν κατω, ἀλλὰ τὸ ἄνω φρονεῖν δεῖ*. *qua supra nos, nihil ad nos.* Taceo jam, æternum & venerabile Numen immensum esse, & incomprehensibile, inq; luce habitare, quam Apostolus vocat, inaccessâ, cujus splendor cogitationum nostrarum intencionem ita retundit, ut, quò diutius cogitemus, eò res nobis videatur obscurior. Urget telum ! Et, quod cognoscitis A. meæ potius, quàm Socraticæ pietati cavendum est. Ad quam defendendam, si verbis potius, quàm factis res ageretur, multa dici possent : Quoniam verò, non quid ego dicere, sed quid audire vos velitis, attendendum nunc est, dicam paucissima, non ex meo cerebro, sed ex ore Apostoli profecta, & in tabulas sacras relata verba, quibus luculenter testatur gentium Doctor, nec DEI, nec legis cognitionem planè ignotam fuisse gentilibus : *οἱ ἄνθρωποι, ἰνὸντες τὸν θεόν, καὶ ὁπιγνόντες τὸ δικαίωμα τοῦ θεοῦ*. Eâ nempe cognitione, quâ ab operibus ad ipsum opificem ducitur spectator animus. *Μυστήρια verò de Deo TRINUNO* ἁρρητὰ καὶ ἀνεξί-

diverſa via ſe, tantum abeſt, ut ab hominibus Ethnico cognoſci poſſe exiſtimem, ut identidem monendum putem Chriſtianum, ne rimeretur, ſed piè credat, & vivat honeſtè. Sed quò abripior? In alio campo illa merenda ſeges eſt. Mihi verò non Apelle quodam, ſed horà monente, manus jam movenda de tabulâ, & claudendum Socraticum Lenocinium. Quod illis quidem præcipuè relinquendum putamus, qui ad ſollicitandos hominum animos, & ad ingerendum virtutis amorem iſtis egent blandimentis. Tibi verò virtutis amore flagrantiffima, & ad optima quæq; nata & condocecta juvenus, ad accuratam morum doctrinam, & ad virtutem intus & in cute cognoscendam aliâ viâ opus eſt, ali-
usq; requiritur Hermes. Qui verò ille ſit, ſuo loco & tempore, Deo docente & ducente docebo.

Vobis nunc omnium Facultatum DOCTORIBUS & PROFESSORIB⁹ celeberrimis, Præceptorib⁹, Fautorib⁹, & Collegis honoratiſſimis gratias ago & habeo maximas, quod me hominem exoticum, benevolentia, favore & beneficiis, quæ oblivioni tradenda non ſunt, dignari, & honorificâ jam præſentiâ cruda adhuc mea & impolita ſtudia in ſpem meliorem erigere volueritis. Ulterius, quæ ſo, huic meo veſtrum quoq; adjungite votum, Deum ſeriò precati, ut reductâ pace publicâ, ſtudia mea unâ cum veſtris, ad nominis ſui gloriam, & Reipublicæ incrementum dirigat & promoveat! Quod votum, ſicuti à te, ô florentiſſima Studioſorum corona, conceptum iri conſido, ita tibi

Quicquid in arte mea poſſim promittere cura,
Studii & diligentia, cum omnibus amoris & benevolentia officiis bonâ fide promitto.

F I N I S.

